

Zijad Jagodić

1. Pitanje postavljeno Vijeću ministara BiH i Ministarstvu vanjske trgovine i ekonomskih odnosa BiH – „Budući da je EU pozvala BiH da razmotri svoj klimatski i energetske okvir do 2030. godine (u skladu sa Zelenom knjigom EU „Okvir za klimatske i energetske politike do 2030.“) te da je to ujedno i poticaj za razvoj infrastrukture, zapošljavanja, međunarodnih grant sredstava i bh. ekonomije uopće, šta je po tom pitanju do sada učinjeno?
2. Pitanje postavljeno Vijeću ministara BiH – S obzirom da je Vijeće ministara BiH u okviru svojih nadležnosti u 2013. godini predvidjelo izradu strategije za gašenje šumskih požara u BiH kao i strategiju sigurnosti saobraćaja na putevima BiH, šta je do sada u tom pogledu učinjeno i da li će te dokumente Vijeće ministara BiH u ovoj, 2014. godini uspjeti pripremiti?
3. Pitanja postavljena Ministarstvu komunikacija i prometa BiH:
 1. „Šta se radi na usklađivanju domaćih propisa iz oblasti transporta opasnih materija sa *acqui-em*?
 2. Da li funkcioniра Vijeće za sigurnost saobraćaja BiH i da li je nešto konkretno preduzeto u pogledu njegovog rada, a posebno na smanjenju broja smrtno stradalih u saobraćaju?
 3. Da li je ovo ministarstvo preduzelo bilo kakve aktivnosti na rješavanju pitanja uskog grla na magistralnom željezničkom kolosijeku u tunelu Ivan, te pružnom nagibu Bradina, radi čega nije moguć tranzit RO-LO vozova i 40 fitnih kontejnera iz luke Ploče a u pogledu odvijanja kombiniranog transporta?
 4. Šta se radi na obnovi i deminiranju desne strane plovnog puta rijeke Save?
 5. Šta se radi na potpisivanju najvažnijih konvencija međunarodne pomorske organizacije IMO, kao što su SOLAS, MARPOL i STCW?
4. Pitanje postavljeno Federalnom ministarstvu poljoprivrede, vodoprivrede i šumarstva, Ministarstvu poljoprivrede, šumarstva i vodoprivrede Republike Srpske i Vladi Brčko Distrikta BiH – Koliko je ukupno poticajnih sredstava u 2011., 2012. i 2013. godini uloženo u sektor poljoprivrede po općinama i kakvi su njihovi efekti?“